

**SKUPŠTINA HERCEGOVAČKO-
NERETVANSKOG KANTONA**

192

Na osnovu člana 39. Ustava Hercegovačko-neretvanskog kantona ("Službene novine HNK", broj: 2/98, 4/00 i 7/04), Skupština Hercegovačko-neretvanskog kantona je, na sjednici održanoj dana 21.07.2010. godine, donijela

**ZAKON
O POTICAJU RAZVOJA MALE PRIVREDE
I ZAŠTITI TRADICIONALNIH DJELATNOSTI
(OBRTA)**

POGLAVLJE I - OPĆE ODREDBE

Član 1.

Ovim Zakonom uređuju se osnove planiranja, osiguranje sredstava i provođenje mjera razvoja male privrede u Hercegovačko-neretvanskom kantonu, aktivnosti i mjere Vlade Kantona u poticaju razvoja male privrede i zaštiti tradicionalnih djelatnosti (obrta), nadzor nad provođenjem Zakona, kaznena i druga pitanja u vezi s poticanjem razvoja male privrede u Hercegovačko-neretvanskom kantonu.

POGLAVLJE II – SUBJEKTI MALE PRIVREDE

Član 2.

Malu privredu čine subjekti male privrede, fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, uključujući samozapošljavanje i porodične poslove povezane s obrtom i drugim djelatnostima, registrovani kod nadležnog organa, bez obzira na oblik organizovanja i koji:

- a) su samostalni u poslovanju,
- b) zapošljavaju prosječno godišnje manje od 250 lica i
- c) ostvaruju godišnji prihod manji od 95.000.000,00 konvertibilnih maraka ili čiji je godišnji bilans stanja manji od 86.000.000,00 konvertibilnih maraka.

Član 3.

Samostalnost u poslovanju postoji:

- a) ako druga fizička ili pravna lica koja ne ispunjavaju uslove iz člana 2. ovoga Zakona, pojedinačno ili zajednički, nisu vlasnici kapitala

ili ne učestvuju u pravu odlučivanja više od 25% u subjektu male privrede,

- b) ako je prekoračen udio od 25%, ukoliko udio u vlasništvu ili u pravu odlučivanja u subjektu male privrede ima investicioni fond ili javni sektor, pod uslovom da njihov udio u kapitalu ili u pravu odlučivanja pojedinačno ili zajednički nije veći od 50% i
- c) ako raspored udjela u vlasništvu subjekta male privrede nije moguće utvrditi te se, na osnovu posebne izjave istog, može opravdano pretpostaviti da druga fizička ili pravna lica iz prve i druge alineje, ne prelaze ograničenja uslova samostalnosti u poslovanju subjekata male privrede iz istih alineja ovog člana.

Član 4.

Prema veličini, u smislu ovog Zakona, razlikuju se mikro, mali i srednji subjekti male privrede, pri čemu su:

- a) mikro subjekti su fizička i pravna lica koja zapošljavaju prosječno godišnje 9 i manje lica i čiji je ukupni godišnji prihod i/ili čiji je ukupni godišnji bilans stanja manji od 4.000.000,00 konvertibilnih maraka,
- b) mali subjekti su fizička i pravna lica koja zapošljavaju prosječno godišnje od 10 do 49 lica i čiji je ukupni godišnji prihod i/ili čiji je ukupni godišnji bilans stanja manji od 20.000.000,00 konvertibilnih maraka i
- c) srednji subjekti su fizička i pravna lica koja zapošljavaju prosječno godišnje od 50 do 250 lica, čiji je ukupni godišnji prihod manji od 95.000.000,00 konvertibilnih maraka i čiji je ukupni godišnji bilans stanja manji od 86.000.000,00 konvertibilnih maraka.

Član 5.

- (1) Podaci o broju prosječno godišnje zaposlenih i o finansijskim pokazateljima utvrđuju se na osnovu posljednjeg godišnjeg obračunskog perioda. Vrijednost finansijskih pokazatelja utvrđuje se isključujući indirektno poreze.
- (2) U slučaju novoosnovanih subjekata male privrede koji nemaju usvojen periodični obračun ili završni račun, podaci potrebni za razvrstavanje u grupe određuju se na osnovu procjene načinjene za odgovarajući protekli period u toku godine.
- (3) Promjena grupe, u koju je prema veličini razvrstan subjekt male privrede, slijedi po evidentiranom prebačaju ili podbačaju vrijednosti podataka o subjektu male privrede u dva uzastopna

Hercegovačko-neretvanskog kantona

obračunska perioda u odnosu na ograničenja iz člana 4. ovog Zakona za navedenu grupu.

Član 6.

- (1) Broj prosječno godišnje zaposlenih određuje se na osnovu ostvarenih godišnjih sati osoblja s punim i skraćenim radnim vremenom, osim vremena provedenog na porodijskom odsustvu i vremena provedenog u statusu pripravnika.
- (2) Osoblje čine zaposlenici, privremeno angažovani radnici, vlasnici-menađžeri i angažovani radnici drugih preduzeća za vrijeme provedeno na radu u redovnim aktivnostima subjekata male privrede, radi ostvarenja finansijske dobiti.
- (3) Učenici, studenti i volonteri uključeni u stručnu obuku odgovarajućim ugovorom, ne smatraju se osobljem.

Član 7.

- (1) Subjekti male privrede se radi osiguranja statističkih podataka potrebnih za praćenje razvoja male privrede, razvrstavaju u kategorije prema broju zaposlenih kako slijedi:
 - a) sa 1 zaposlenom osobom,
 - b) 2 do 9 zaposlenih osoba,
 - c) 10 do 49 zaposlenih osoba i
 - d) 50 do 249 zaposlenih osoba.
- (2) Razvoj male privrede se prati kroz promjene u poslovnom okruženju i kroz promjenu broja subjekata male privrede u pojedinim kategorijama iz ovog člana.

POGLAVLJE III - CILJEVI I PROGRAM RAZVOJA MALE PRIVREDE

Član 8.

Ciljevi razvoja male privrede su:

- a) povećanje zapošljavanja,
- b) povećanje izvoza i prilagodavanje svjetskom tržištu,
- c) povećanje proizvodnje, kvaliteta i konkurentnosti male privrede,
- d) istraživanje, razvoj i primjena savremenih tehnologija i inovacija,
- e) povećanje broja subjekata male privrede,
- f) poticanje djelatnosti koje ne zagađuju okolinu,
- g) poticanje obavljanja i opstanka tradicionalnih i starih zanata i
- h) poticanje malih i srednjih preduzeća za korištenje sredstava Evropske unije (IPA programi).

Član 9.

- (1) Vlada Hercegovačko-neretvanskog kantona (u daljem tekstu: Vlada), na prijedlog Ministarstva privrede HNK (u daljem tekstu: Ministarstvo), donosi Program razvoja male privrede Hercegovačko-neretvanskog kantona (u daljem tekstu: Program), za period od četiri godine.
- (2) Programom se utvrđuju smjernice razvoja, poticajne mjere, nosioci provođenja poticajnih mjera, aktivnosti provođenja, izvori sredstava, period provođenja pojedinih poticajnih mjera, te metodologija praćenja provođenja pojedinih mjera.
- (3) Na osnovu Programa iz stava (1) ovog člana, Ministarstvo na prijedlog nosioca Programa iz člana 15. ovog Zakona, donosi Godišnji plan provedbe Programa (u daljem tekstu: Godišnji plan).
- (4) Godišnji plan usvaja Vlada.
- (5) Godišnji plan sadrži: plan pojedinih poticajnih mjera i aktivnosti, potrebna sredstva, izvori, kriterije, uvjete i način korištenja sredstava.
- (6) Izvještaj o izvršenju Godišnjeg plana iz stava (4) ovog člana, podnosi se Skupštini.

Član 10.

- (1) Finansijska sredstva za provođenje Programa iz člana 9. ovog Zakona, osiguravaju se u budžetu Hercegovačko-neretvanskog kantona za svaku kalendarsku godinu.
- (2) Visina finansijskih sredstava iznosi do 2 % ostvarenih iz redovnih budžetskih prihoda iz prethodne godine, (gdje se izuzimaju namjenska sredstva).
- (3) Godišnjim planom, Vlada će, na prijedlog Ministarstva, utvrditi prioritete poticaja u skladu s raspoloživim sredstvima iz prethodnog stava.

POGLAVLJE IV – POTICAJNE MJERE

Član 11.

Poticajne mjere i aktivnosti radi ostvarivanja ciljeva razvoja male privrede koje se utvrđuju Programom, odnose se na:

- a) kreditiranje subjekata male privrede pod povoljnim uslovima, subvencionisanje kamata po preuzetim kreditima,
- b) davanje garancija za kredite,
- c) pružanje stručne i savjetodavne pomoći za subjekte male privrede,
- d) organizovanje centara za preduzetništvo, preduzetničkih inkubatora i zona male privrede,

Hercegovačko-neretvanskog kantona

- e) poticanje u korištenju predpristupnih fondova Evropske unije (IPA fondovi),
- f) davanje podrške za povećanje zapošljavanja,
- g) davanje podrške za učestvovanje na sajmovima,
- h) podršku razvoju preduzetništva ciljnih grupa (žensko preduzetništvo, preduzetništvo mladih, preduzetništvo invalidnih osoba),
- i) davanje podrške za istraživanje, razvoj i primjenu inovacija, uvođenje savremenih tehnologija, te podrške za edukaciju i prekvalifikaciju,
- j) davanje podrške za uvođenje certifikata i međunarodnih standarda kvalitete,
- k) osnivanje fondova rizičnog kapitala i
- l) davanje podrške zaštiti i revitalizaciji tradicionalnih i starih zanata (obrta).

Član 12.

Odluku o izboru korisnika poticajnih sredstava donosi Vlada, na prijedlog Ministarstva.

Član 13.

Provedbeni propis – Pravilnik kojim se detaljnije određuju postupci u provedbi Programa razvoja iz člana 9. stav 2. ovoga Zakona donosi Ministarstvo privrede Hercegovačko-neretvanskog kantona.

Pravilnikom se obavežno uređuje:

- a. metodologija rada, kojom se obezbjeđuje javnost rada,
- b. kriterijumi za izbor učesnika u provođenju Programa razvoja,
- c. kriterijumi za izbor korisnika sredstava i razvojnih projekata kojima se jača konkurentna sposobnost subjekata male privrede,
- d. obaveza definisanja i uređenja odnosa ugovorom između nosioca programiranja razvoja i ostalih učesnika u provođenju programa razvoja,
- e. pouka o pravnom lijeku za stranke koje smatraju da su aktivnostima u provođenju Programa razvoja njihova prava oštećena ili ugrožena i
- f. način izvještavanja i praćenje provođenja Programa razvoja, usklađen sa procedurom praćenja realizacije Programa rada Vlade.

Član 14.

- (1) Davalac sredstava s korisnicima poticajnih sredstava sklapa ugovor o međusobnim pravima i obavezama.
- (2) Ugovor obavežno sadrži namjenu, visinu i uslove dodjele sredstava, rokove utroška sredstava, te način i rokove izvještavanja i sankcije za nepoštivanje Ugovora.
- (3) Korisnici sredstava obavezni su u skladu s Ugovorom:

- a) da dodijeljena sredstva koriste namjenski u skladu s odobrenim projektom-programom,
 - b) da se prilikom implementacije odobrenog projekta-programa pridržavaju svih planova i rokova utvrđenih projektom-programom,
 - c) da odmah nakon potpune implemenacije odobrenih sredstava, a najkasnije u roku od šest mjeseci od dana uplate sredstava po ugovoru, dostave u potpunosti popunjen obrazac "Izvještaj o implementiranju odobrenih sredstava", koji se prilaže uz ugovor i smatra se njegovim sastavnim dijelom,
 - d) da uz popunjen obrazac "Izvještaj o implementaciji odobrenih sredstava" dostave i dokaze o pravilno utrošenim sredstvima, kako se navodi u Obrascu i
 - e) da ovlaštenom licu-inspektoru omogućuje vršenje nadzora i daju mu sva potrebna obavještenja i podatke od značaja za vršenje tog nadzora.
- (4) Korisnik poticajnih sredstava koji je pravosnažnom odlukom suda o prekršaju kažnjen zbog nepoštivanja odredbi stava (3) tačaka (a), (b), (c) i (d) ovog člana, obavezan je vratiti dodijeljena mu sredstva u roku od 15 dana, od dana pravosnažnosti odluke o prekršaju.

POGLAVLJE V – NOSIOCI PROGRAMA RAZVOJA

Član 15.

Nosioci Programa, u smislu ovog Zakona, su:

- a) Vlada,
- b) Ministarstvo,
- c) jedinice lokalne samouprave,
- d) Privredna komora HNK,
- e) Obrtnička komora HNK,
- f) udruženja male privrede i preduzetništva i
- g) regionalna razvojna agencija.

Član 16.

- (1) Ministarstvo nadzire i prati provođenje Programa i Godišnjeg plana, analizira rezultate i izrađuje izvještaje.
- (2) Jedinice lokalne samouprave izrađuju vlastite programe i planove, pripremaju informacijsko-dokumentacijske podloge za pripremu Programa, predlažu razvojne projekte, prate, analiziraju i izvještavaju o provođenju projekata i poticajnih mjera iz svog djelokruga.
- (3) Ostali nosioci Programa iz člana 15. ovoga Zakona, predlažu poticajne mjere i razvojne projekte iz svoje nadležnosti, neposredno provode

Hercegovačko-neretvanskog kantona

mjere za koje su zaduženi Programom, te prate i izvještavaju o postignutim rezultatima.

dati mu sva potrebna obavještenja i podatke koji se odnose na implementaciju poticajnih sredstava.

POGLAVLJE VI - STIMULISANJE OBAVLJANJA TRADICIONALNIH DJELATNOSTI (OBRTA)

Član 17.

Tradicionalni i stari zanati su obrti za koje je potrebno posebno poznavanje zanatskih vještina i umijeće u obavljanju djelatnosti i koji se obavljaju pretežnim udjelom ručnog rada.

Član 18.

Ministar privrede HNK će, na prijedlog jedinica lokalne samouprave, utvrditi Listu tradicionalnih i starih obrta na području Hercegovačko-neretvanskog kantona.

Član 19.

Za obavljanje djelatnosti tradicionalnih i starih obrta, Vlada i jedinice lokalne samouprave mogu propisati odgovarajuće olakšice, svako iz svoje nadležnosti, koje će stimulirati očuvanje tradicionalnih i starih obrta i pojačati interes za njihovo obavljanje.

POGLAVLJE VII - NADZOR

Član 20.

(1) Upravni nadzor nad primjenom ovog Zakona i propisa donesenih na osnovu ovog Zakona, provode u okviru svojih nadležnosti i na način utvrđen propisima kojim se uređuje upravni nadzor:

- a) Kantonalno ministarstvo privrede,
- b) Kantonalno ministarstvo finansija i
- c) nadležna tijela grada i općina.

Član 21.

- (1) Inspeksijski nadzor nad implementacijom poticajnih sredstava vrši Kantonalno ministarstvo privrede putem inspektora.
- (2) Zadatak inspektora je da u postupku nadzora iz stava (1) ovog člana, kontinuirano prati utrošak finansijskih sredstava od strane korisnika sredstava i izvršenje drugih preuzetih obaveza, u cilju pravilnog provođenja ovog Zakona, Pravilnika iz člana 13., Ugovora i drugih akata koje se odnose na provođenje Programa.

Član 22.

Subjekt nadzora dužan je omogućiti inspektoru vršenje inspeksijskog nadzora, uvid u dokumentaciju,

Član 23.

Ako se u postupku inspeksijskog nadzora utvrdi da je došlo do povrede ovog Zakona, propisa donesenih za njegovo provođenje i odredbi Ugovora, inspektor će rješenjem korisniku sredstava naložiti sljedeće:

- a) otklanjanje nedostataka utvrđenih u postupku nadzora i odrediti rok za njihovo otklanjanje, ako utvrdi nedostatke iz člana 14. stav (3) tačke (b), (c) i (d) i
- b) povrat vrijednosti dodijeljenih sredstava, ako utvrdi nedostatke iz člana 14. stav (3) tačka (a).

Član 24.

- (1) Protiv rješenja inspektora može se izjaviti žalba u roku od 8 dana od dana prijema rješenja.
- (2) O žalbi iz stava (1) ovog člana, rješava Kantonalno ministarstvo privrede.

POGLAVLJE VIII - KAZNE NE ODREDBE

Član 25.

(1) Novčanom kaznom, u iznosu od 2.000,00 KM do 10.000,00 KM, kaznit će se za prekršaj pravno lice, korisnik sredstava:

- ako odobrena sredstva koristi nenamjenski (član 14. stav (3) tačka (a)),
- ako se prilikom implementacije investicionog programa ne pridržava svih planova i rokova (član 14. stav (3) tačka (b)),
- ako u propisanom roku ne dostavi popunjen obrazac „Izvještaj o implementaciji odobrenih sredstava“ (član 14. stav (3) tačka (c)) i
- ako ne dostavi dokaze o pravilnom utrošenim sredstvima. (član 14. stav (3) tačka (d)).

(2) Za prekršaje iz stava (1) ovoga člana, kaznit će se odgovorno lice u pravnom licu, novčanom kaznom u iznosu od 100,00 KM do 500,00 KM.

Član 26.

Novčanom kaznom, u iznosu od 500,00 KM do 1.500,00 KM, kaznit će se za prekršaj imalac radnje-obrtnik, korisnik sredstava:

- ako dodijeljena sredstva koristi nenamjenski (član 14. stav (3) tačka (a)),

Hercegovačko-neretvanskog kantona

- ako se prilikom implementiranja investicionog programa ne pridržava svih planova i rokova (član 14. stav (3) tačka (b)),
 - ako u propisanom roku ne dostavi popunjen obrazac „Izvještaj o implementaciji odobrenih sredstava“ (član 14. stav (3) tačka (c))
- i
- ako ne dostavi dokaze o pravilno utrošenim sredstvima. (član 14. stav (3) tačka (d)).

Član 27.

(1) Novčanom kaznom, u iznosu 1.000,00 KM do 1.500,00 KM, kaznit će se za prekršaj pravno lice i imalac radnje-obrtnik, korisnik sredstava:

- ako po rješenju inspektora ne otkloni nedostatke utvrđene u postupku nadzora nad

korištenjem dodijeljenih sredstava (član 23. stav (1) tačka (a)) i

- ako po rješenju inspektora ne izvrši povrat dodijeljenih sredstava (član 23. stav (1) tačka (b)).

(2) Za prekršaje iz stava (1) ovoga člana, kaznit će se i odgovorno lice u pravnom licu, novčanom kaznom u iznosu od 100,00 KM do 500,00 KM.

Član 28.

(1) Novčanom kaznom, u iznosu od 500,00 KM do 1.500,00 KM, kaznit će se za prekršaj pravno lice, korisnik sredstava:

- ako u Izjavi "pretpostavke ispunjavanja uslove" daje lažne podatke.

(2) Za prekršaje iz stava (1) ovoga člana, kaznit će se odgovorno lice u pravnom licu, novčanom kaznom u iznosu od 100,00 KM do 500,00 KM.

Član 29.

Novčanom kaznom, u iznosu od 300,00 KM do 1.000,00 KM, kaznit će se za prekršaj imalac radnje-obrtnik, korisnik sredstava:

- ako u Izjavi "pretpostavke ispunjavanja uslova" daje lažne podatke.

Član 30.

(1) Novčanom kaznom, u iznosu od 500,00 KM do 1.000,00 KM, kaznit će se za prekršaj pravno lice i imalac radnje-obrtnik, korisnik sredstava:

- ako ne omogućiti inspektorima vršenje inspeksijskog nadzora (član 22).

(2) Za prekršaj iz stava (1) ovoga člana, kaznit će se i odgovorno lice u pravnom licu, novčanom kaznom u iznosu od 100,00 KM do 500,00 KM.

Član 31.

Prijavu za pokretanje prekršajnog postupka podnose ovlaštena lica Kantonalnog ministarstva privrede, Kantonalnog ministarstva finansija i inspektor iz člana 21. ovog Zakona.

Član 32.

(1) Novčanom kaznom, u iznosu od 5.000,00 KM do 15.000,00 KM, kaznit će se za prekršaj pravno lice, korisnik poticajnih sredstava, koji ne vrati dodijeljena mu sredstva u roku od 15 dana od dana pravosnažnosti odluke o prekršaju (član 14. stav (4)).

(2) Za prekršaj iz stava (1) ovog člana, novčanom kaznom, u iznosu od 1.000,00 KM do 3.000,00 KM, kaznit će se i odgovorno lice u pravnom licu.

(3) Novčanom kaznom, u iznosu od 500,00 KM do 1.500,00 KM, kaznit će se za prekršaj imalac radnje-obrtnik, korisnik poticajnih sredstava, koji ne vrati dodijeljena mu sredstva u roku od 15 dana, od dana pravosnažnosti odluke o prekršaju (član 14. stav (4)).

Član 33.

Korisnik poticajnih sredstava kojem je pravosnažnom odlukom izrečena kazna za prekršaj iz člana 14. stav (3) tačka (a), (b), (c) i (d) ovog Zakona, ne može ostvariti pravo na poticajne mjere predviđene ovim Zakonom u periodu od 5 godina od pravosnažnosti odluke o prekršaju po kojoj je korisnik sredstava proglašen krivim.

POGLAVLJE IX - PRIJELAZNE I ZAVRŠNE ODREDBE

Član 34.

Vlada će donijeti Program iz člana 9. ovog Zakona, na prijedlog Ministarstva, u roku od 6 mjeseci od dana stupanja na snagu ovog Zakona.

Član 35.

Ministarstvo privrede HNK donijet će Pravilnik iz člana 13. ovog Zakona u roku od 3 mjeseca od dana stupanja na snagu ovog Zakona.

Član 36.

Ministar privrede HNK utvrdit će Listu iz člana 18. ovog Zakona u roku od 3 mjeseca od dana stupanja na snagu ovog Zakona.

Član 37.

Ovaj Zakon stupa na snagu osmog dana od dana objavljivanja u "Službenim novinama Hercegovačko-neretvanskog kantona", a primjenjivat će se od 01.01.2011. godine

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
SKUPŠTINA

Broj: 02-01-XXV-139/10
Mostar, 21.07.2010. godine

P R E D S J E D A V A J U Ć I
Ramiz Jelovac, s.r

193

Na osnovu člana 39. Ustava Hercegovačko-neretvanskog kantona („Službene novine Hercegovačko-neretvanskog kantona“, broj: 2/98, 4/00 i 7/04), Skupština Hercegovačko-neretvanskog kantona na sjednici održanoj dana 21.07.2010. godine donosi

**ZAKON
O IZMJENAMA I DOPUNAMA
ZAKONA O POREZIMA U HERCEGOVAČKO-
NERETVANSKOM KANTONU**

Član 1.

U Zakonu o porezima u Hercegovačko-neretvanskom kantonu („Službene novine Hercegovačko-neretvanskog kantona“, broj: 02/09) član 24. mijenja se i glasi:

(1) Obaveznici poreza na imovinu iz člana 4. stav 1. tačke b), c) i d) porez plaćaju pri registraciji vozila, motocikla ili plovnog objekta.

Član 2.

U članu 36. stav 1. tačka e) brišu se riječi „i 24“.

Član 3.

U članu 37. stav 1. tačka c) brišu se riječi „i 24“

Član 4.

Ovaj Zakon stupa na snagu osmog dana od dana objave u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko - neretvanski kanton

SKUPŠTINA
Broj: 02-01-XXV-138/10
Mostar, 21.07.2010. godine

P R E D S J E D A V A J U Ć I
Ramiz Jelovac, s.r

194

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), člana 84. i 85. Zakona o zdravstvenom osiguranju („Službene novine F BiH“, broj: 30/97, 7/02 i 70/08), člana 22. Statuta Zavoda zdravstvenog osiguranja Hercegovačko-neretvanskog kantona („Službene novine HNK“, broj: 2/04) i člana 92. i 94. Poslovnika o radu Skupštine HNK („Službene novine HNK“, broj: 2/05), na prijedlog privremenog Upravnog odbora Zavoda zdravstvenog osiguranja HNK, Skupština Hercegovačko-neretvanskog kantona, na sjednici održanoj dana 21.07.2010. godine, donosi

**O D L U K U
O UTVRĐIVANJU OSNOVICA, STOPA
I NAČINU OBRAČUNA I UPLATE
DOPRINOSA ZA OBAVEZNO ZDRAVSTVENO
OSIGURANJE NA PODRUČJU
HERCEGOVAČKO-
NERETVANSKOG KANTONA**

I OPĆE ODREDBE

Član 1.

Ovom Odlukom, u skladu s odredbama Zakona o zdravstvenom osiguranju Federacije BiH („Službene novine F BiH“, broj: 30/97, 7/02 i 70/08), Zakona o doprinosima („Službene novine F BiH“, broj: 35/98, 37/00, 54/00, 16/01, 1/02, 17/06 i 14/08), te Pravilnika o načinu obračunavanja i uplate doprinosa („Službene novine F BiH“, broj: 64/08 i 81/08), utvrđuju se:

- vrste doprinosa,
- obveznici obračuna i uplate doprinosa za obavezno zdravstveno osiguranje,
- osnovice za obračun doprinosa za obavezno zdravstveno osiguranje,
- stope doprinosa za obavezno zdravstveno osiguranje,